

Alexandra Birrer - Putzlumpen

Zwei Personen kommen aus verschiedenen Richtungen ans Fenster, sitzen Rücken an Rücken auf Stühlen. Knapper, trockener Dialog, schnell aufeinander folgende Einsätze.

A ist skeptisch, B müde.

A: «Schoweder oder emmerno wach?»

B: «Schoweder. Schlächt gschlofe»

A: «Zvöu gsoffe oder zvöu kiff?t»

B: «Beides. Aber vorauem ned chönne schlofe wägem Detektiv»

A: «Detektiv?»

B: «Dä hetts vierte Zimmer i eusere WG gmeitet ond esch vorauem nachtaktiv. Uhuere umegrumoret geschder znacht»

A: «Umegrumoret?»

B: «Metz die Nacht hett dä siech afo Stoubsugere»

A: «Eine wo Ordning phaltet»

B: «Aber doch ned am Samschdi Obe»

A: «Wenn de sösch? Am Sonnti Morge wenn aui so fit send wie du?»

B: «Wär mer lieber»

A: «As wärsch du imene Zuestand wod jetzt chönntisch dr Bode ufnä»

B: «Äuä ned»

A: «Typisch»

B: «Typisch?»

A: «Emmer e usred zom ned metthäufe. Detektiv, sone seich»

B: «Dä getts wörklech!»

A: «Secher»



B: «I chas bewise. Er hett donde no Räste vo sim Latenight snack öbrig glo»

A: “Ond wohär wosch wösse dass är die Nacht no kochet het? Hesch es ghört, so wie dr Stoubsuger?» *pause*

«Dä esch öbrigens donde im Säali gloffe. Mer heind no putzt nachem Konzert wo du scho bsoffe im Bett gläge besch»

B: «I schwörs der är hett zerscht dobe gsuet. Aber velech escher nächhär no zo euch abecho»

A: «De hättine aber müesse gseh»

B: «Es gitt ne! I hane bewis, i ha die Chuchi eine vo sine panierte Putzlümpe gfunde!»

A: «E panierte Putzlümpe? Du gsesch Geister, und kei gueti.»

B: «Aber...»

A: «I meines ernst, wenn eine e panierte Putzlümpe isch denn äüä du. Besser du wächslisch mou di Dealer. I wott gar ned wösse met was dä Olter wod am ebenem ziehsch no dr Stoff streckt.»

B: «Das esch Qualitätswar!»

A: «Secher. *steht auf*
«I go mou go häufe dr Ghöder vorem Hus zämedsläse. Fühl di ned verpflichtet cho ds häufe. Du besch jo anschinend beschäftigt» *geht*

B: *Verwirft hilflos die Arme, stützt danach sein Gesicht in die Hände ab*

Hinter ihm huscht ein Gespenst mit Sherlock-Detektivmütze vorbei, Staubsauger nach sich ziehend